



Monsieur,

En ce lieu où mon devoir m'arreste plus tost que mon humeur, ie n'ay autre contentement que celui qui procede de l'esperance que ie me figure quelquefois de vous revoir. ce que ie tenois pour assuré d ce dernier voyage: Mais mon Maistre a voulu que ie trouvasse cecy à dire a ma felicité, en m'employant ailleurs a son departement d'Utrecht. Je ne me scaurois satisfaire en ce malheur, que par la souvenance des preuves qu'il vous a plu me donner si souvent de vostre faveur, qui me sont autant d'assurances pour ne douter que l'absence aye assez de force pour m'effacer de vos bons grans. Ce sont elle's qui me donnent la hardiesse de vous aller dire les conceptions que j'ay sur la mont du Greffier & Drois; C'est que je m' imagine que possible elle pourroit apporter du changement en la Secretairie de Monseigneur le Prince d'Orange, fust ce par vostre ^{Mont} moyen, ou par celui de Mons^r Junius. En quel cas ie vous viens supplier de penser s'il ne se pourroit trouver aucun moyen pour me sauver de cet exil. Je ne m'arreste point au nom, ny aux appartenus d'une charge. il me suffiroit que vous la jugeassiez honneste, quand le reste se devoit sup-

pléer par le pretexte de l'air de Frise, contraire a mon naturel,
ou quelque autre. Mon humeur n'est pas si peu poise, que ie
ne me puisse tenir en un endroit, où j'aye suiet de m'aimer,
et croyez que quelque mescontentement que ie pourrois avoir,
ie creveroy plustost que d'en faire semblant à autre qu'à
vous. c'est vostre faulxité, et ceste franche ouverture d'affection
que vous m'avez faite, qui vous procure cette familiarité. J'au-
rois mauvaise grace de vous entretenir icy d'un discours des de-
faulx de cette cour. Vous me permettrez seulement, Monsieur,
de vous dire sans vanité, que je n'aspireray jamais à ce point
d'habilité, de passer pour honneste homme, & ne l'estre pas,
et que ie ne scaurois jamais faire fortune par les vertus
des Courtisans. Les mauvaises impressions qu'on a données
autresfois à mon Maistre, & à d'autres qui me pourroyent
faire du bien en ces quartiers, plus de ma religion, que de
ma vie, ^{comme celle là est sans aucun reproche} qui sera de tout temps innocente, m'empeschi d'ex-
ercer ma charge dignement, et d'en tirer les profits, qu'elle
me devoit produire. Le moindre de vos clercs en a plus que
moy. Outre qu'il me fault vivre en un pais, où l'on ne sçait
pas ce que c'est. En l'estat où vous me voyez, ie ne

doutte que ie ne vous face ditie, & vous supplie qu'en cette oc-
casion, ou en telle autre que vous pourriez iuger plus a propos,
il vous plaise vous souvenir

Monsieur, du

Plus humble de vos serviteurs

P. Burgh

de Leeuwarden ce $\frac{13}{23}$ Febr
1630.



A Monsieur

Monsieur Huyghens, Chevalier
S^r de Guibecom, Secret^{re} de Son
Exc^{ce}

26. 5^{te}. 70.

A La Haye

